

**CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA E O EXCMO. CONCELLO DE AS NEVES PARA A EXECUCIÓN DO PROXECTO “MELLORA DA MOBILIDADE PEONIL NA E.P. 4204 AS NEVES – ESTACIÓN DENDE O P.Q. 0+576 ATA O P.Q. 2+036 (CONCELLO DE AS NEVES)”.**

**Documento asinado electrónicamente por:**

**CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA E O EXCMO. CONCELLO DE AS NEVES PARA A EXECUCIÓN DO PROXECTO “MELLORA DA MOBILIDADE PEONIL NA E.P. 4204 AS NEVES – ESTACIÓN DENDE O P.Q. 0+576 ATA O P.Q. 2+036 (CONCELLO DE AS NEVES)”.**

### **INTERVEÑEN**

D. Luis López Diéguez, na súa condición de presidente da Deputación de Pontevedra, actuando en virtude da competencia que lle atribúe o artigo 34.1.b) da Lei 7/1985, de 2 de abril, reguladora das bases do Réxime local.

D. José Manuel Alfonso González, alcalde do Concello de As Neves, actuando en virtude das facultades representativas que lle atribúe o artigo 21.1.b) da Lei 7/1985, de 2 de abril, reguladora das bases do Réxime local.

D. Carlos Cuadrado Romay, secretario xeral da Deputación Provincial de Pontevedra, dando fe da formalización.

Ambas partes recoñécense con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas.

### **MANIFESTAN**

I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de réxime xurídico do sector público, 57 da Lei 7/85, de 2 de abril, reguladora das bases do réxime local e 198 e seguintes da Lei 5/97, de 22 de xullo, de Administración Local de Galicia.

II.- Que a Deputación de Pontevedra, está concienciada sobre a necesidade de aumentar a seguranza viaria en toda a rede de estradas da provincial, facendo especial fincapé nos tramos que transcorren por espazos urbanos ou núcleos rurais dos distintos concellos, dando cumprimento a asistencia que debe prestar segundo disposto no artigo 36 da Lei 7/85, de 2 de abril, reguladora das bases de réxime local. Por ese motivo, o organismo provincial quere levar a cabo intervencións neste senso no seu propio viario e está a facer unha replanificación profunda e conceptual das actuacións en materia de mobilidade, con especial fincapé na



protección dos colectivos máis vulnerables: peóns, ciclistas e persoas con mobilidade reducida. O obxectivo é conformar un contorno viario seguro e tranquilo, fomentando a convivencia de todos os medios de transporte e sistemas de desprazamento, así como repartir de xeito equitativo o espazo público. Quérese garantir que vías provinciais ofrezan unha mobilidade universal nun espazo continuo de seguranza viaria.

III.- Que segundo dispoñen os artigos 26.1 da Lei 7/1985, de 2 de abril, reguladora das bases do réxime local e 81 da Lei 5/1997, de 22 de xullo, de Administración Local de Galicia, os municipios deberán prestar ós seus cidadáns, determinados servizos públicos en función da súa poboación.

IV.- Que o artigo 36 da Lei 7/1985 e os artigos 109 e 110 da Lei 5/1997 encomendan ás deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio dirixido ó cumprimento das obrigacións impostas pola normativa vixente.

V.- Que a Deputación de Pontevedra é titular da estrada provincial E.P. 4204 As Neves Estación, que transcorre íntegramente polo concello de As Neves e está categorizada como rede local no catálogo de estradas provinciais.

VI.- Que o estado actual da E.P. 4204 As Neves - Estación no ámbito de actuación do proxecto, dende o punto quilométrico 0+576 ata o punto quilométrico 2+036, é necesario proceder a mellora da mobilidade peonil a fin de salvagardar a debida prestación do servizo público viario e de mellorar a seguridade viaria.

As obras definidas neste proxecto construtivo consisten na execución dunha senda peonil na marxe esquerda da antedita estrada, formada por pavimento de formigón. Para a construción da senda será necesaria a execución de treitos de muro de contención de bloques, e executarase unha nova rede de drenaxe para a recollida das augas pluviais. Baixo a senda peonil se inclúe unha nova canalización para alumeado público e as obras se completan co subministro e instalación de dúas marquesiñas para parada de bus.

Finalmente procederase á completa renovación da capa de rodaxe da estrada e a construción de dous pasos de peóns sobreelevados, así como a renovación da sinalización horizontal e vertical de todo o ámbito.



VII.- Con fundamento en canto queda exposto, e sendo patente a vontade de colaboración das entidades comparecentes, ámbalas dúas partes acordan a subscripción do presente convenio, consonte ás seguintes:

## CLÁUSULAS

### **Primeira.- Obxecto.**

O obxecto do presente convenio é establecer as condicións que rexerán a colaboración entre a Deputación de Pontevedra e o Concello de As Neves para a execución do proxecto de *“Mellora da mobilidade peonil na EP-4204 As Neves - Estación, dende o P.Q. 0+576 ata o P.Q. 2+036 (Concello de As Neves)”*.

O proxecto contempla a execución dunha senda peonil na marxe esquerda da antedita estrada, formada por pavimento de formigón. Para a construción da senda será necesaria a execución de treitos de muro de contención de bloques, e executarase unha nova rede de drenaxe para a recollida das augas pluviais. Baixo a senda peonil se inclúe unha nova canalización para alumeadado público e as obras se completan co subministro e instalación de dúas marquesiñas para parada de bus.

Finalmente procederáse á completa renovación da capa de rodaxe da estrada e a construción de dous pasos de peóns sobreelevados, así como a renovación da sinalización horizontal e vertical de todo o ámbito.

### **Segunda.- Importe do convenio.**

O importe o que se refire a presente actuación ascende a seiscentos seis mil oitocentos sesenta e tres euros con cinco céntimos (606.863,05 €), máis cento vinte e sete mil catrocentos corenta e un euros con vinte e catro céntimos (127.441,24 €) en concepto de IVE, o que ascende a un orzamento total de setecentos trinta e catro mil trescentos catro euros con vinte e nove céntimos (734.304,29 €).

O importe das expropiacións necesarias para a execución do proxecto ascende a un total de doce mil tres euros con setenta e un céntimos (12.003,71 €).



**Terceira.- Financiamento.**

As obras serán financiadas pola Deputación de Pontevedra e o Concello de As Neves mediante a achega das cantidades relacionadas de seguido:

<b>Organismo</b>	<b>Achega</b>	<b>%</b>
Deputación de Pontevedra	587.443,43 € €	80
Concello de As Neves	146.860,86 €	20
<b>TOTAL OBRAS</b>	<b>734.304,29 €</b>	<b>100</b>

As expropiacións serán financiadas íntegramente polo Concello de As Neves

<b>Organismo</b>	<b>Achega Expropiacións</b>	<b>%</b>
Concello de As Neves	12.003,71 €	100

A Deputación de Pontevedra realizará a tramitación anticipada do gasto do presente convenio, condicionando a súa achega, por importe de 587.443,43 € ao remanente de crédito existente na aplicación 25/456.4530.612.02 que se incorporará ao orzamento provincial 2026.

A achega do Concello de As Neves, por importe de 158.864,57 € (146.860,86 € correspondentes co 20% do importe das obras e 12.003,71 € correspondentes co 100% do importe das expropiacións), realizarase mediante compromiso de consignación no respectivo orzamento 2026 co medio de financiamento que se considere máis axeitado á situación financeira do Concello.

De selo caso de que se financie a cargo ao Plan Máis Provincia 2026, xerarase crédito na aplicación orzamentaria que corresponda. O importe do financiamento con cargo a esta subvención está condicionado á aprobación do plan pola Deputación e por contía suficiente correspondente ao Concello de As Neves.



De conformidade co disposto no artigo 116.5 da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en diante, LCSP), unha vez aprobado o Convenio, e antes de aprobar o expediente de contratación correspondente, acreditarase a plena dispoñibilidade de todas as achegas que financian o investimento.

Os demais gastos derivados da actuación obxecto do presente convenio, tales como redacción do proxecto e os contratos de servizo accesorios para a dirección, control e seguimento da execución de obras, e soterramento de servizos, serán financiados pola Deputación de Pontevedra.

#### **Cuarta.- Incidencias no desenvolvemento da obra.**

Calquera incidencia que poida xurdir no desenvolvemento das obras e se produza un incremento do custo por excesos de medición, revisión de prezos ou por causas imprevistas que obriguen a unha modificación do proxecto, será financiada de conformidade cos coeficientes dispostos na cláusula terceira. No caso de producirse unha diminución, sempre que a achega do concello sexa con cargo a fondos propios, será devolta a cantidade sobrante.

#### **Quinta.- Obrigas do Concello de As Neves.**

O Concello de As Neves obrígase a:

- 1) Obter as correspondentes licenzas e tramitar ante outros organismos as autorizacións pertinentes que fosen precisas.
- 2) Levar a cabo a conservación e mantemento das zonas peonís obxecto de convenio, así coma doutros servizos de carácter municipal que se executen (alumeado público, xardinería, mobiliario urbano, etc.), logo da comunicación da Deputación de Pontevedra de finalización das obras.
- 3) Antes da sinatura do presente convenio, o Concello deberá achegar á Deputación de Pontevedra o acordo adoptado polo órgano que legalmente teña atribuída a competencia conforme á lexislación propia do Réxime Local.

- 4) Darlle a adecuada publicidade a este convenio, de tal xeito que quede constancia que a remodelación da infraestrutura se levou a cabo en colaboración coa Deputación de Pontevedra.

#### **Sexta.- Obrigas da Deputación Provincial de Pontevedra.**

- 1) Correspóndelle a licitación, dirección, execución e posterior recepción das obras do proxecto de *“Mellora da mobilidade peonil na EP-4204 As Neves - Estación, dende o P.Q. 0+576 ata o P.Q. 2+036 (Concello de As Neves)”*.
- 2) Unha vez producido o acto formal de recepción das obras pola Deputación de Pontevedra, esta porao en coñecemento do Concello, entendéndose que tal comunicación determina o momento da obriga asumida polo Concello na cláusula quinta 2) precedente, sen prexuízo das responsabilidades que correspondan ao contratista derivadas do contrato de obras e para esixir o cal, a Deputación de Pontevedra, poderá adoptar todas as medidas que considere necesarias.
- 3) Correspóndelle a obriga de remitir a información sobre o presente convenio ao Consello de Contas en aplicación do establecido no artigo 53 da Lei 40/2015, de 1 de outubro, de Réxime Xurídico do Sector Público e da súa normativa de desenvolvemento.

#### **Sétima.- Compensación de débedas.**

O Concello de As Neves faculta expresamente á Deputación para reter e compensar con cargo ás cantidades que lle poidan corresponder toda clase de débedas vencidas e pendentes de pago.

#### **Oitava.- Comisión de seguimento e control.**

Para o seguimento e control do cumprimento do presente convenio, así como para aclarar as dúbidas que suscite a súa interpretación, constitúese unha Comisión de Seguimento da que forman parte o presidente, o alcalde ou persoas nas quen deleguen, o secretario xeral da Deputación de Pontevedra ou persoa na que delegue e un representante técnico de cada Administración.

As súas funcións, entre outras, serán as seguintes:

- Impulsar e avaliar o cumprimento do presente convenio, propondo as actuacións que se consideren precisas.
- Proponer a interpretación, en caso de dúbida, do contido do mesmo.
- En caso de que xurdiran controversias na aplicación do convenio, proponer ás partes a resolución das mesmas.

Esta comisión reunirse dentro do prazo de tres días, a contar dende a petición expresa realizada por calquera das partes.

#### **Novena.- Vixencia do convenio.**

O presente convenio entrará en vigor na data da súa firma e terá vixencia ata o remate das obras obxecto do mesmo, en todo caso ata o 31 de decembro de 2027.

A vixencia do presente convenio poderá prorrogarse coa conformidade expresa das partes intervenientes.

En calquera caso os efectos económicos do convenio entenderanse ata tres meses despois da liquidación do contrato da obra, unha vez rematado o período de garantía. Calquera incremento do custo neste período será financiado de conformidade cos coeficientes dispostos na cláusula terceira do convenio.

#### **Décima.- Resolución.**

Serán causas de resolución o incumprimento das obrigas derivadas deste convenio de conformidade co disposto na normativa vixente.

#### **Undécima.- Normativa aplicable.**

O presente convenio ten natureza administrativa, rexéndose polas cláusulas establecidas en:

- Lei 7/1985, de 2 de abril, reguladora das bases de réxime local – Lei 5/97, de 22 de xullo, da Administración Local de Galicia.
- Lei 40/2015 de 1 de outubro, de réxime xurídico do sector público.
- Bases reguladoras da execución do orzamento da Deputación de Pontevedra para o exercicio 2025.



– E demais normativa de obrigado cumprimento.

Asemade, as partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula oitava, na resolución de posibles controversias que puideran suscitar o incumprimento ou interpretación do convenio.

E en proba de canto antecede, as partes que interveñen asinan o presente convenio na data da sinatura dixital.



Pode verificar a integridade deste documento  
no enderezo: <https://sede.depo.gal>  
Código seguro de verificación (CSV):212UXC746O3TH8IP